

Hari Terbuka MCG

Artikel oleh: Arif Mandangan

Pada 28 dan 29 Mei 2012, program Matematik dengan Komputer Grafik (MCG) telah mengadakan Hari Terbuka MCG bersempena dengan pembentangan (*viva voce*) Projek Tahun Akhir pelajar-pelajar MCG. Bertempat di foyer SST, poster-poster hasil Projek Tahun Akhir setiap pelajar-pelajar MCG dipaparkan kepada warga SST. Selain paparan poster, simulasi berkomputer juga turut diadakan. Ini termasuklah simulasi paparan grafik berkomputer, simulasi permainan berkomputer dan simulasi perisian matematik berkomputer. Program tersebut bertambah meriah apabila mendapat kunjungan Yang Berusaha Dekan SST Prof. Madya Dr. Baba Musta. Setiap pelajar begitu teruja bagi berkongsi hasil projek mereka. Jika sebelum ini hasil keputusan projek mereka hanya terpapar di atas kertas laporan semata-mata, kini mereka mempunyai medium khas bagi berkongsi hasil tersebut kepada warga SST khususnya dan UMS amnya. Semoga program seumpama ini akan diteruskan pada masa akan datang bagi memberi rangsangan serta dorongan kepada para pelajar MCG bagi menghasilkan projek yang lebih mantap dan bermutu tinggi.

